



АКАФИСТ
СВЯТЫМ БЕССРЕБРЕНИКАМ
И ЧУДОТВОРЦАМ
КОСМЕ И ДАМИАНУ
РИМСКИМ



**Акафист
святым бессребреникам
и чудотворцам
Косме и Дамиану
Римским**



МОСКВА
2014

УДК 243
ББК 86.372
А38

*Рекомендовано к публикации
Издательским Советом
Русской Православной Церкви
(ИС Р 14-407-0779)*

А38 **Акафист святым бессребреникам и чудотворцам Косме и Дамиану Римским. — М.: Благовест, 2014. — 48 с.**

**УДК 243
ББК 86.372**

ISBN 978-5-9968-0378-1

© Издательство «Благовест» –
текст, оформление, оригинал-
макет, 2014



**АКАФИСТ
СВЯТЫМ БЕССРЕБРЕНИКАМ
И ЧУДОТВОРЦАМ
КОСМЕ И ДАМИАНУ
РИМСКИМ**

Кондак 1

Избрáннии чудотворцы, страс-
тотёрпы Христóвы и врачеве
премудрии, ту́не подаю́щие здра-
вие в болéзнях сущим, похва́ль-
ная воспису́ем вам, заступни-
ком на́шим и в скóрбех помóщ-
ником: вы бо сосуди́ благода́ти
суще, исцеля́ете душéвныя и



телѣсныя наша язвы. Тѣмже
славяще Бѣга, дѣвнаго во свя-
тых Своих, вас усердно убла-
жаем:

Радуйтесь, Космо и Дамиане,
святѣи безсребреницы и пре-
славнии чудотворцы.

Икос 1

Ангельскому жителству по-
ревновавше, вся земная пре-
зрели есте и, подвигом мучени-
чества венчавшися, лицезрѣния
Господа Сил сподобилися есте.
Моли́тесь убо за ны прилѣжно,
к помощи вашей притекающих
и похвальная вам вопиющих:



Рáдуйтеся, моли́твенницы тѣп-
лии о чту́щих святу́ю па́мь вá-
шу; рáдуйтеся, оста́вленных вра-
ча́ми неоску́дно исцеля́ющихи.

Рáдуйтеся, я́ко дом, имѣние и
вся роди́телей стяжа́ния ни во
что же вмени́ли естѣ; рáдуйтеся,
ни́щия милосѣ́рдием вáшим пре-
пита́вшии.

Рáдуйтеся, стра́ждущия сердо-
бо́лием утешáвшии; рáдуйтеся,
чистото́ю и свѣ́тостію А́нгелом
уподо́бившиися.

Рáдуйтеся, свети́льницы Бо-
же́ственного свѣ́та; рáдуйтеся, не-
бе́снии челове́цы, земніи А́нгели.

Рáдуйтеся, я́ко христиа́ном ес-
тѣ прибѣ́жище непосты́дное; ра́-



дуйтесь, все житиё своё да́же до
послѣдняго издыха́ния в служѣ́нии
Го́споду исто́щившии.

Ра́дуйтесь, всесвѣ́тлое благода́-
ти прия́телище, Ду́ха Свята́го
сосу́ди; ра́дуйтесь, всем призы-
ва́ющим вас ско́рии помо́щницы.

Ра́дуйтесь, Ко́смо и Дамиа́не,
святѣ́и безсрѣ́бреницы и пресла́в-
нии чудотво́рцы.

Кондак 2

Ви́дя Госпо́дь Бог до́брая ва́ша
начина́ния и ве́лие ко благоче́стию
усѣ́рдие ва́ше, я́ко вся земна́я и
благая́ ми́ра сего́ уме́ты вмени́в-
ше, в непреста́нном трудѣ́ любве́



ра́ди бліжняго пребы́сте и ду́ши
сво́я благи́ми нра́вы украси́ли
есте́, преиспо́лни вас Ду́ха Свята́-
го, Егóже луче́ю озари́тися и
нам испроси́те у Христа́ Бо́га, да
ку́пно с ва́ми поём Емú: *Аллилу́иа.*

Икос 2

Ра́зумом и́стиннаго богопозна́-
ния ца́ря нечесті́ваго научи́ли
есте́, вразумі́в тогó си́лою словес
ва́ших, и́миже дерзнове́нно Хри-
ста́ пропове́даете. Те́мже дерзно-
ве́ние ва́ше похваля́юще, вызы́аем
си́це:

Ра́дуйтесь, ле́стию нечесті́ваго
ца́ря не уловле́ннии; ра́дуйтесь,



исти́ну Христо́ву дерзнове́нно
пред ним испове́давшии.

Ра́дуйтесь, преще́ния егó не
убо́явшиися; ра́дуйтесь, нече́сти-
вых собо́рища посрами́вшии.

Ра́дуйтесь, небо́язненным про-
пове́дницы исти́ны; ра́дуйтесь,
служе́ния идо́льскаго потреби́-
телие.

Ра́дуйтесь, ве́ры правосла́вныя
побо́рницы; ра́дуйтесь, испове́д-
ницы непоколеби́мии, ду́ха тер-
пе́ния и ре́вности о сла́ве Бо́жи-
ей испо́лнении.

Ра́дуйтесь, немóлчнии веле́-
ний Госпо́дних провозвѣстницы;
ра́дуйтесь, ве́рнии наста́вницы
богомудрия.



Рáдуйтеся, Цáрствія Христо́ва
надéжднии нам ходáтаи; рáдуй-
теся, и по смéрти вáшей нас не
оставля́ющихи.

Рáдуйтеся, Кóсмо и Дамиáне,
святíи безсрéбреницы и преслáv-
нии чудотвóрцы.

Кондак 3

Сíлою Вы́шняго, дáнною вам
ещё во врéменной жízни, прия́ли
естé власть чудéсно исцеля́ти
вся́кия недúги; по смéрти же
вáшей наипáче прослáви вас Бог
мнóгими чудотворéнии, да вси
притека́ем к вам, моля́щеся о
исцелéнии от недúгов телéсных,



пáче же душéвных, и Бóгу веле-
гласно вопиём: *Аллилу́иа*.

Икос 3

Имúще, я́ко многоцѣнное
сокрóвище, многоцелѣбныя мóщи
ва́ша, радуемся и, любóвию
воспева́юще да́нную вам от Бóга
благодáть исцелѣний, благодарно
зовём:

Ра́дуйтесь, тёплии о нас к Бóгу
предста́телие; раду́йтесь, ёллин-
ская мудровáния ни во что же
вменíвшии.

Ра́дуйтесь, Рíма светíльницы
всесвѣтлии; раду́йтесь, омрачѣн-
ных стра́н просветíтелие.



Рáдуйтеся, мýжества и терпé-
ния наставля́нцы; рáдуйтеся, я́ко
непови́нне ка́менное побиéние
претерпéвше, кончи́ну мýчени-
ческую улучи́ли естé.

Рáдуйтеся, любвé рáди Хри-
сто́вы пострада́вшии, и нас не-
бе́сных благ причáстники прии-
мите; рáдуйтеся, раби́ Бóжии, от
Го́спода Христа́ венцы́ побéды
приёмшии.

Рáдуйтеся, дивный и прекра́с-
ный смире́ния и крóтости о́браз
всем показáвшии; рáдуйтеся, не-
поколеб́имое Правосла́вия осно-
ва́ние.

Рáдуйтеся, свéтлая страсно-
тёрцев сла́во; рáдуйтеся, до́брии



целѣбницы, ни от когѣже мзды за
исцелѣния взѣмшии.

Рáдуйтесь, Кóсмо и Дамиáне,
святѣи безсрѣбреницы и преслáв-
нии чудотвѣрцы.

Кондак 4

Бúря я́рости вѣлия царя́ Ка-
ри́на не возможе́ поколебáти
души́ вáшея, и егда́ вѣрнии в
нѣкоей пещѣре вас скрýта от
я́ти вас и́щущих, во́лею во́ином
предстáли естѣ, вопи́юще: нас
поимѣте, мы бо есмы́, ихже
и́щете, неповѣннѣх же отпустѣте.
Та́же верѣ́гами обложѣ́ни бѣ́вше,
в Рим отведѣ́стеся. Мы же, вѣ́ру



ва́шу и ве́риги лобыза́юще, поём
Бо́гу: *Аллилу́иа*.

Икос 4

Слы́шавше рѣмстии лю́дие ве́-
лию ва́шу ко стра́ждущим любóвь
и чуде́сное врачевáние ва́ше,
отвсю́ду устремля́хуся к вам с
ве́рою в целе́бную благодáть
Бо́жию, в вас де́йствующую; при-
ёмлюще же ско́рое исцелéние,
прославля́ху Бо́га, вас же, мило-
се́рдых целі́телей сво́их, велича́ху,
воспева́я сѣце:

Ра́дуйтесь, Бо́га ѣстиннаго не-
преборѣ́мии проповѣ́дницы; ра́-



дуйтесь, ору́жие креста́ Христо́ва
добропобѣдно взѣмшии.

Ра́дуйтесь, блази́и вра́чеве,
стра́ждущим ско́рии помо́щницы;
ра́дуйтесь, вся немощны́я ту́не
врачу́ющиеи.

Ра́дуйтесь, и ны́не исцелѣния
обѣльно источа́ющиеи; ра́дуйтесь,
ми́лостивии утѣшителие в беда́х
и ско́рбех су́щим.

Ра́дуйтесь, во вся́ких обстоя́ни-
их нас защища́ющиеи; ра́дуйтесь,
безпо́мощных спаси́тельное при-
зрѣние.

Ра́дуйтесь, пра́ведных пресла́в-
ное украше́ние; ра́дуйтесь, предс-
та́тельство на́ше кре́пкое.



Ра́дуйтесь, приле́жнии о нас к
Бо́гу моли́твенницы; ра́дуйтесь,
всем ве́рою призыва́ющим вас
ско́рии помо́щницы.

Ра́дуйтесь, Ко́смо и Дамиа́не,
святѣи безсрэбреницы и пресла́в-
нии чудотво́рцы.

Кондак 5

Боготѣчным войстинну путѣм
ше́ствовасте, раба́и Христо́вы, егда́
во у́зах в Рим ведо́ми, за е́же
и́долом не послужи́те, Христо́ви
же еди́ному порабо́тасте, го́рькая
испытáния терпѣли есте́, святѣи;
но вся претерпѣ́те за возлю́бль-
шаго вас Христа́. Тѣмже вели́кому



терпѣнію и крѣпцей любви вѣшей
ко Господу дивѣщаяся, купно с
вами поѣм Ему: *Аллилуиа*.

Икос 5

Видев царь, яко сілою Хри-
стовою исцелѣ, хвалу Тому воз-
даде; мы же, славяще Бога,
ублажаем вас, славных угольников
Его, вопиюще сіце:

Радуйтеся, горняя паче дольних
возлюбившии; радуйтеся, ангель-
скому житію на земли поревно-
вавшии.

Радуйтеся, яко, многобожие
отринувше, родительскаго бла-



гочѣстїя не отступїли естѣ; радуйтєся, ꙗко вся имѣнїя своя, по словесї Господню, нїщим раздали естѣ, да Христа приобрящете.

Радуйтєся, не слѡвом точию, но мнѡжае паче дѣлом и непрестанною к Бѡгу молїтвою инѣх поучївшии; радуйтєся, неоскѣднѣй истѡчник исцелѣнїй и нынѣ являющїи.

Радуйтєся, излїянїем чудес, даннѣх вам от Бѡга, нас обогащающїи; радуйтєся, в самѣх себѣ храм Бѡгу уготѡвавшии.

Радуйтєся, скорѡе нїщих услѣшанїе; радуйтєся, скорбнѣх прїятное попечѣнїе.



Рáдуйтеся, ненадёжных извѣст-
ное надѣяние; рáдуйтеся, болящих
скóрое врачевáние.

Рáдуйтеся, Кóсмо и Дамиáне,
святѣи безсрѣбренности и преслáв-
нии чудотвóрцы.

Кондак 6

Проповѣдницы ѿмене Христо́-
ва в животѣ своём бѣвше, и
ны́не си́лу тогó свидѣтельству-
ете чудесы́, от ико́ны ва́шея
источáемыми, и я́коже вѣры
иногда́ жены́ нѣкия не презрѣс-
те, но во снѣ явльшеся ей,
облегчѣние в недúзе даровáли
естѣ; сѣ́це и на́ших молѣний и



пѣний гласы услышите, о, святїи
безсребреницы! Вѣре же и любви
людей ваших внемлите и покров
нам свѣше даруйте, хвалящим
вас и поющим Богу: *Аллилуиа*.

Икос 6

Возсия, яко свет, правда ва-
ша, егда укоряема на судищи
царя, дерзновенно рекосте к
нему: не волшебною хитростию
врачуем болѣзни, но силою
Спаса нашего Иисуса Христа,
якоже Той заповѣда, глаголя:
болящия исцеляйте, прокаженные
очищайте, туне приете, туне
дадите. Тѣмже дерзновению



ва́шему дивя́щеся, ублажа́ем вас
си́ми:

Ра́дуйтесь, о́браз твёрдости и
ве́ры нам показавшии; ра́дуй-
тесь, ра́йския ра́дости прѣсно
наслажда́ющиися.

Ра́дуйтесь, премудрии се́яте-
лие благоче́стия; ра́дуйтесь, сла́в-
нии проповѣдницы Правосла́-
вия.

Ра́дуйтесь, учи́телие, к небеси́
наставля́ющии; ра́дуйтесь, чи́с-
таго и непоро́чнаго жити́я не-
усы́пнии хранѣ́телие.

Ра́дуйтесь, те́плии послу́ша-
телие моля́щихся вам; ра́дуйтесь,
ко спасе́нию изы́щнии и ве́рнии
путеводи́телие.



Рáдуйтеся, благочéстно и бо-
гоугóдно ж́ити хот́ящим блаз́ии
наста́вницы; рáдуйтеся, ходáтаи
блаѓих всем, почита́ющим па́мять
ва́шу.

Рáдуйтеся, до́бре течéние своё
сконча́вшии; рáдуйтеся, венцы́
пра́вды от Влады́ки Христá при-
я́вшии.

Рáдуйтеся, Кóсмо и Дами́ане,
свят́ии безсрéбреницы и пресла́в-
нии чудотво́рцы.

Кондак 7

Хот́яще síлу Христóву злочес-
т́ивому царю́ откр́ити, Дúха Свя-
та́го испо́лнени, рекóсте: б́уди



посра́млен, о Ка́рине, и с бога́ми
тво́ими! И а́бие е́му ли́це
измени́ся, и вѣя соврати́ся, и,
моля́щися к вам, глаго́ля: се ны́не
ви́жду, я́ко раби́ естѣ́ и́стиннаго
Бо́га. Молю́ у́бо вас, да я́коже
иных́ уврачевáсте, сѣ́це исцели́те
и мене́, да и аз кúпно с ва́ми
воспою́ Бо́гу: *Аллилу́иа*.

Икос 7

Дѣ́внии о нас моли́твенницы,
цели́телие душ и телѣс на́ших
и ходáтаи спасѣ́ния вѣ́чнаго,
благодáрным сѣ́рдцем воспе-
ва́юще хвалѣ́бную песнь Бо́гу,
дарова́вшему нам таковы́х ве-



ликих чудотворцев, приносим и
вам похвалы сицевыя:

Радуйтесь, Ангелов терпением
вашим удивившии; радуйтесь,
божественным сиянием чудес
своих вся просветившии.

Радуйтесь, скории от всяких
болезней и безмезднии врачеве;
радуйтесь, заступлением вашим
разслабленныя исцеляющии.

Радуйтесь, от неисцельных бо-
лезней здравы воздвизающии;
радуйтесь, достойне совершив-
шии земный подвиг жития
вашего.

Радуйтесь, о нас, обнаженных
добрых дел, присно к Богу
представляющии; радуйтесь,



яко сиянием премудрости, от Господа вам данныя, всех верных просвещаете.

Радуйтесь, молитвенницы о нас и заступницы наши предивнии; радуйтесь, доблии страстотерпцы Христовы.

Радуйтесь, кровью своими землю освятившии; радуйтесь, идольское безумие обличившии.

Радуйтесь, Космо и Дамиане, святии безсребреницы и преславнии чудотворцы.

Кондак 8

Странное мірови житіе ваше
вѣдѣюще, устранимся и мы того



суёт и, ум на небеса́ прелóж-
ше, возопи́м к вам, святѣи
безсрѣбредицы: утоли́те болѣзни,
источа́я благодѣ́тная врачев́анія
всем, усѣ́рдно к по́мощи ва́шей
притека́ющим и вопи́ющим Бо́гу:
Аллилу́иа.

Икос 8

Все жити́е ва́ше на земли́
любо́вию к Бо́гу и к бли́ж-
ним испо́лнивше, святѣи безсрѣб-
редицы Кóсмо и Дами́ане, скóрии
и ны́не по́мощники явля́етесь
всем, с вѣ́рою призыва́ющим
вас; не то́чию бо близ прите-
ка́ющим ко святѣ́м мо́щем ва́-



шим, но и далёче сущим исцеления источаете. Тѣмже принѡсим вам похвалы сія:

Рáдуйтесь, едѣному Бѡгу, в Трѡице слáвимому, вѣрно послужившии; рáдуйтесь, едѣное ѣже на потребу премудро избравшии.

Рáдуйтесь, я́ко в неустáнном трудѣ и пѡдвиге дни и нѡщи вáша без всякаго унѣния препровѡдили естѣ; рáдуйтесь, я́ко ситцевым вáшим тѣсным и скѡрбным житіем слáву Бѡжию в челове́цах умно́жили естѣ.

Рáдуйтесь, дѡблии Христѡвы послѣдователие; рáдуйтесь, я́ко научители и творцы Христѡвых заповедей явились естѣ.



Ра́дуйтеся, я́ко именáми ве́-
лиих в Цáрствии Небéснем на-
речéни бýсте; ра́дуйтеся, слáвою
Христóвою весь мир озарív-
шии.

Ра́дуйтеся, я́ко страдáнием
вáшим безстра́стие прия́ли естé;
ра́дуйтеся, я́ко мýченическою
смérтию безсмérтие стяжáли
естé.

Ра́дуйтеся, я́ко А́нгели, на не-
бесí и на землí прослáвленнии;
ра́дуйтеся, я́ко Бóгу нýне вен-
ценóсни предсто́йте.

Ра́дуйтеся, Кóсмо и Дамиáне,
святíи безсрéбреницы и преслáв-
нии чудотвóрцы.



Кондак 9

Всякое естество челове́ческое
удивіся сия́нію в вас благода́ти
Бо́жией, святы́и Ко́смо и Дамиа́не,
егда́ нечесті́вый царь Ка́рін, узрэв
чудеса́, от імени Го́спода Иису́са
Христа́ вами творі́мая, увéroва
и просла́ви Бо́га. Те́мже и мы,
сла́вяще да́вшего вам сицеву́ю
си́лу, поём Ему́: *Аллилу́иа*.

Икос 9

Витія́ многовеща́нная недо-
уме́ют дово́льно изобрази́ти обі-
лие любве́ ва́шей, ёюже преис-
по́лнены бы́сте, святы́и уго́дницы,



к челове́ком о Го́споде. Сего́ ра́ди
из глубины́ серде́ц на́ших вопи́ем
к вам:

Ра́дуйтесь, Го́споду своему́ да-
же до сме́рти порабо́тавшии;
ра́дуйтесь, огнём любви́ Бо́жия
воспаля́еми, огонь жертв идо́льских
угаси́вшии.

Ра́дуйтесь, бли́жняго па́че сами́х
себе возлюби́вшии; ра́дуйтесь, я́ко
боля́щия и недужны́я посеща́ли
есть.

Ра́дуйтесь, ну́жды убо́гих пред-
варя́вшии; ра́дуйтесь, печа́льных
уте́шителие.

Ра́дуйтесь, отча́янных засту́п-
ницы; ра́дуйтесь, си́рых пита́-
телие.



Ра́дуйтесь, лю́те стра́ждущим
помо́щницы; ра́дуйтесь, угнетённых
свободи́телие.

Ра́дуйтесь, я́ко до́бре течёние
сконча́вше, ко Христу́ возне-
со́стеся; ра́дуйтесь, я́ко в Ца́рст-
вии Его́ водворя́етесь.

Ра́дуйтесь, Ко́смо и Дамиа́не,
святѣи безсрэбренности и пресла́в-
нии чудотво́рцы.

Кондак 10

Спасти́ хотя́ мно́гия, яви́ нам
Госпо́дь вы, чудотво́рцы Своя́:
кто бо не умили́тся, ви́дя ва́ше
безме́рное ко всем сострада́ние?
кто ли вы не ублажи́т, я́ко не то́кмо



челове́ки от неду́г исцеля́ете, но
и скоты́ ми́луете? Не отры́ните
у́бо и на́ших моли́тв, но на вся
ны неоску́дно вели́кия и богáтыя
ва́ша ми́лости изле́йте, да вопи́ем
Бо́гу: *Аллилу́иа*.

Икос 10

Стéны естé всем, похваля́ющим
чудеса́ ва́ша, о безми́зднецы, и к за-
ступле́нию ва́шему прибега́ющим;
стéны и забра́ла естé, огражда́ющая
от всех бед, усер́дно в по́мощь вас
призыва́ющим. Те́мже у́бо и нас
от нищеты́, напа́стей, неду́гов и
скорбе́й оградите, мо́лимся и те́пле
вопи́ем к вам:



Ра́дуйтесь, адама́нтова крѣпость
в терпѣнии превозшѣдшии; ра́-
дуйтесь, неповѣнно от за́висти
сребролю́бца пострада́вшии.

Ра́дуйтесь, сла́внии в беда́х
засту́пницы; ра́дуйтесь, немощ-
ных и оби́димых укреплѣние.

Ра́дуйтесь, крѣпцыи в напа́stech
защѣтителіе; ра́дуйтесь, убо́гих и
ни́щих всещѣдріи обогатѣтеліе.

Ра́дуйтесь, а́лчущих мѣлості-
виі кормѣтеліе; ра́дуйтесь, бо-
лѣзньми и тяжкими недуги
одержѣмых премудрїи уврачевá-
теліе.

Ра́дуйтесь, с вѣрою к вам
притека́ющим от всех скóрбных
обстоя́ній тёплии защѣтителіе;



ра́дуйтесь, я́ко па́мять ва́ша всѣми
сла́вима на землі.

Ра́дуйтесь, я́ко именá ва́ша
напи́сана суть на Небесѣх; ра́-
дуйтесь, я́ко от Бо́га препросла́в-
лени естѣ.

Ра́дуйтесь, Ко́смо и Дамиа́не,
святіи безсрѣбреницы и пресла́в-
нии чудотво́рцы.

Кондак 11

Пе́ние всеумилѣнное, ны́не на́ми
приносѣмое, несть дово́льно к
похвалѣнію пресла́вных по́двигов
и трудо́в ва́ших, яже Христа́ ра́ди
подъя́ли естѣ в животѣ своѣм;
оба́че дерза́юще про́сим, усѣрдное



моле́ние на́ше прие́мше, и нас от
бед сво́ими моли́твами изба́вите,
да умиле́нным се́рдцем воспо́йм
Бо́гу: *Аллилу́иа*.

Икос 11

Светоза́рный и небе́сный ум
яви́ли естé иногдá пред Кари́-
ном, заблужде́ние тогó облича́я;
ны́не же нетле́нием моще́й ва́-
ших и мно́жеством чуде́с Право-
сла́вие утвержда́ете. Те́мже благо-
да́рственно зове́м:

Ра́дуйтесь, Ипоста́сное Сло́во
дерзнове́нно пропове́давшии; ра́-
дуйтесь, си́лу идо́льскую добро-
побе́дно упраздни́вшии.



Ра́дуйтесь, я́ко ва́ми попра́ся
служе́ние бесо́м; ра́дуйтесь, я́ко
ва́ми поклонё́ние Христу́ пропо-
ве́дася.

Ра́дуйтесь, учи́телие премуд-
рии; ра́дуйтесь, всех добродё-
телей нелёностные исполни́-
телие.

Ра́дуйтесь, я́ко по трудёх
земных в селёниях небёсных
ликовству́ете; ра́дуйтесь, я́ко и
по преста́влении своём нас не
оставля́ете.

Ра́дуйтесь, я́ко всем, с ве́рою
призыва́ющим вас ско́рую по́-
мощь подаёте; ра́дуйтесь, святіи
вра́чеве, я́ко болёзнии на́ша ис-
целя́ете.



Ра́дуйтесь, моли́твы ве́рных не
отрева́ющихи; ра́дуйтесь, и о нас
недостóйных у престо́ла Бо́жия
ходата́йствующихи.

Ра́дуйтесь, Ко́смо и Дамиа́не,
святíи безсрэбреницы и пресла́в-
нии чудотво́рцы.

Кондак 12

Благода́ть, ю́же даде́ вам Гос-
по́дь Бог, целíти вся недúги
душе́вныя же и телёсныя, днесь
собра́ нас, да почтíм па́мять
ва́шу, святíи безсрэбреницы Ко́с-
мо и Дамиа́не, благоговейно́ убо
взира́юще на честну́ю ико́ну
ва́шу и со уми́лением се́рдца



к ней припадающе, мо́лим из-
ба́виться всем нам от вся́ких зол
и болéзней, да воспое́м вси Бо́гу:
Аллилу́иа.

Икос 12

Пою́ще чудеса́ ва́ша, восхва-
ляе́м труды́ и по́двиги, ублажа́ем
му́ченическую кончи́ну, почита́-
ем ходата́йство и си́льное заступ-
ле́ние ва́ше о всех, тре́бующих
по́мощи ва́шея; велича́ем подáтеля
всех благ Бо́га, дарова́вшего нам
толи́ко дивных моли́твенников, и
со уми́лением зове́м:

Ра́дуйтесь, Иису́са Го́спода
ве́рно пропове́давшии; ра́дуй-



теся, ѱстины Егѡ дѡблии сви-
дѣтелие.

Рáдуйтеся, тѣплии о нас у
престѡла Егѡ предстáтели; рáдуй-
теся, телѣс нáших благосостра-
дáтельныйнii врáчеве.

Рáдуйтеся, Цáрствiя Небѣснаго
и вѣчных благѣх наслѣдницы;
рáдуйтеся, по Бѡзе все нáше
уповáние.

Рáдуйтеся, мѣро благовѡнное
исцелѣний источáющи; рáдуй-
теся, страстѣй злосмрáдие молѣт-
вами своѣми отревáющи.

Рáдуйтеся, исцелѣний дáтелие
и чудѣс истѡчницы; рáдуйтеся,
светонѡснии стѡлпи церкѡвнии и
збрáла недвижимая.



Ра́дуйтесь, виногра́да и́стинно-
го божѣственныя лѣзы; ра́дуй-
тесь, дво́ице светови́дная му́дрых
безсре́бренников.

Ра́дуйтесь, Ко́смо и Дамиа́не,
святѣи безсре́бреницы и пресла́в-
нии чудотво́рцы.

Кондак 13

О предѣвнии безсре́бреницы,
чудотво́рцы, целѣтелие и сла́внии
уго́дницы Бо́жии, Ко́смо и Да-
миа́не, приими́те моле́ния сѣя
на́ша, от сокруше́ннаго се́рдца
возно́симая; исцели́те многооб-
ра́зныя недѹги на́ша и те́плым
предста́тельством ва́шим испро-



сите нам от Христа́ Бо́га избав-
ле́ние от всех бед и напáстей,
проще́ние прегреше́ний на́ших
и благу́ю наде́жду вѣчнаго
спасе́ния, да сподо́бимся с ва́ми и
со все́ми святы́ми в безконѣчныя
вѣки воспева́ти Бо́гу, Спаси́телю
на́шему: *Аллилу́иа*.

*Этот кондак читается три-
жды.*

Икос 1

А́нгельскому жи́тельству порев-
нова́вше, вся земна́я презре́ли
есте́ и, по́двигом му́ченичества
венча́вшися, лицезрэ́ния Го́спода



Сил сподобилися естѣ. Молі́теся
у́бо за ны приле́жно, к по́мощи
ва́шей притека́ющих и похва́льная
вам вопи́ющих:

Ра́дуйтеся, моли́твенницы те́п-
ли и о чту́щих святу́ю па́мь
ва́шу; ра́дуйтеся, оста́вленных
врача́ми неоску́дно исцеля́ю-
щих.

Ра́дуйтеся, я́ко дом, имѣ́ние и
вся роди́телей стяжа́ния ни во
что же вмени́ли естѣ; ра́дуйтеся,
ни́щия милосѣ́рдием ва́шим пре-
пита́вшии.

Ра́дуйтеся, стра́ждущия сердо-
бо́лием утеша́вшии; ра́дуйтеся,
чистото́ю и свѣ́тостію А́нгелом
уподо́бившиися.



Ра́дуйтесь, свети́льницы Бо-
же́ственнаго свѣта; ра́дуйтесь,
небе́снии челове́цы, земнѣи А́н-
гели.

Ра́дуйтесь, я́ко христиа́ном
естѣ прибѣжище непосты́дное;
ра́дуйтесь, все жити́е своё да-
же до послѣдняго издыха́ния
в служе́нии Го́споду истощи́в-
шии.

Ра́дуйтесь, все́свѣтлое благо-
да́ти прѣтелище, Ду́ха Свята́-
го сосу́ди; ра́дуйтесь, всем при-
зыва́ющим вас ско́рии помо́щ-
ницы.

Ра́дуйтесь, Ко́смо и Дамиа́не,
святѣи безсрэ́бреницы и пресла́в-
нии чудотво́рцы.



Кондак 1

Избрáннии чудотворцы, страс-
тотёрпцы Христóвы и врачеве
премúдри, тúне подаю́щие здра-
вие в болéзнях сýщим, похва́ль-
ная воспису́ем вам, заступником
на́шим и в скóрбех помо́щни-
ком: вы бо сосúди благодáти
сýще, исцеля́ете душéвныя и
телéсныя на́ша я́звы. Тёмже
сла́вяще Бóга, дíвнаго во свя-
ты́х Свои́х, вас усéрдно убла-
жа́ем:

Ра́дуйтесь, Кóсмо и Дами́ане,
святíи безсрéбреницы и пресла́в-
нии чудотворцы.



Молитва

К вам, святїи безсрѣбраницы
и чудотворцы Кóсмо и Дамиáne,
яко к скóрым помóщником и
тѣплым молѣтвенником о спа-
сѣнии нáшем, мы, недостóйнии,
преклóньше колéна, прибега́ем и,
припа́дающе, усérдно вопи́ем: не
прѣзрите молéния нас, грѣшных,
немощн́ых, во мно́гая беззакóнія
впа́дших и по вся дни и часы́
согрешáющих. Умоліте Гóспода,
да пробáвит нам, недостóйным
рабóм Сво́йм, вели́кия и богáтыя
Сво́я мѣлости; изба́вите нас от
вся́кия скóрби и болéзни, вы
бо прия́ли естé от Гóспода и



Спа́са на́шего Иису́са Христа́
неоску́дную благода́ть исцелéний,
ра́ди твéрдыя вéры, безмéзднаго
врачевáния и мýченическаго кон-
чи́ны ва́шея. Услы́шите нас, мо-
ля́щихся, и благоприя́тным хо-
да́тайством ва́шим испроси́те у
Христа́ Бо́га правосла́вным лю́дем
на враги́ побéду и одолéние.
Па́ки, припа́дающе, приле́жно мо́-
лим: испроси́те нам от Го́спода
вся благополéзная, я́же в животé
на́шем врéменнем, наипáче же ко
спасéнию вéчному слúжащая, да
сподо́бимся моли́твами ва́шими
улучи́ти кончи́ну христиáнскую,
безболéзненну, непосты́дну, ми́р-
ну и да изба́вимся от ко́зней



диавольских и вѣчныя мѹки, безконѣчнаго же и блаженнаго Царства Небѣснаго наслѣдницы бѹдем. Ей, угѹдницы Бѹжии, не престайте молящися за ны, с вѣрою к вам притекающія. Аще бо по мно́жеству грехѹ на́ших и нѣсмы достѹйны милосѣрдія ва́шего, об́аче вы, вѣрнии подражателие человеколѹбія Бѹжія сѹще, сотворите, да принесѣм плоды достѹйны покая́нія и в вѣчный поко́й достѹгнем, хваляще и благословяще дѣвнаго во святѹх Своѣх Го́спода и Бо́га и Спа́са на́шего Иисѹса Христа́, и Пречѣстѹю Ма́терь Его́, и ва́ше тѣплое заступлѣние, всегда́, ны́не, и прѣсно, и во вѣки веко́в. Ами́нь.



Святой мученик Дамиан Римский и
его брат Косма занимались лечени-
ем людей.

Однажды их схватили и привели к императору Карину, который потребо-
вал у них отречься от Христа и при-
знать языческих богов, на что святые
ответили решительным отказом. Как
только император отдал приказ подвер-
гнуть братьев мучениям, у него скрути-
ло шею так, что он не мог повернуть
голову. Тогда Карин покаялся перед свя-
тыми братьями и исповедал свою веру
во Христа, — и тотчас получил исцеле-
ние. Святые Косма и Дамиан были не-
медленно отпущены на свободу.

После возвращения в свое селение
близ Рима святые Косма и Дамиан
продолжили прежнее богоугодное де-
ло. Но в 284 году завистливый врач,
бывший некогда учителем братьев, за-
манил их в горы и там убил.

**Акафист
святым бессребреникам
и чудотворцам Косме и Дамиану
Римским**

Редактор: Плюснин А. И.
Технический редактор: Ивашкова В. Ю.
Корректор: Плюснин А. И.
Верстка: Колгарёв И. Е.
Дизайн обложки: Зимихин А. А.

Подписано в печать 04.06.2014.
Формат 70х90/32. Бумага офсетная.
Печать офсетная. Гарнитура Таймс.
П. л. 1,5. Тираж 30000 экз. Заказ

Издательство «Благовест». Адрес: 123182,
г. Москва, ул. Авиационная, дом 13

Отпечатано ОАО ПИК «Идел-Пресс»
420066, г. Казань, ул. Декабристов, дом 2
e-mail: idelpress@mail.ru
www.idel-press.ru

**ПОСЕТИТЕ ИНТЕРНЕТ-МАГАЗИН
издательства «БЛАГОВЕСТ»**

WWW.BLAGOVEST-MOSKVA.RU

**много православных книг и икон, акции и скидки
для ОПТОВЫХ И РОЗНИЧНЫХ покупателей**

Телефоны: (495) 942-53-72, 973-19-11,

8-800-333-11-78

звонок из любого региона России – БЕСПЛАТНО!